

Agiri honek kanpaina honen baldintzak jaso eta zehazten ditu:

## LAGUNARTEKO AFARIA BIZUMEKIN

### 1.- Erakunde antolatzailea eta saria

Caja Laboral Popular Coop. de Créditos —aurrerantzean LABORAL Kutxa—, F75076935 zenbakidun IFK eta helbidea Arrasaten (Gipuzkoan) —Jose Maria Arizmendiarieta, zk.g., 20500— duenak, nazio-mailako ZOZKETA egingo du, Bizum berehalako ordainketa-zerbitzua bere bezero digitalen artean eta 18 eta 25 urte bitarteko gazteen artean sustatzeko, 5. atalean, «parte-hartzaileak» izenekoan, jasotakoaren arabera.

### 2.- Zozketaren esparrua eta doakotasuna

1991ko azaroaren 8ko 4/1991 Legeak, Euskal Autonomia Erkidegoan joko arautzen duenak, ezarritakoari jarraikiz antolatu da zozketa, eta doakoa eta borondatezkoa izango da. Hortaz, saria irabazteko ez da kuotarik edo kopuru osagarririk ordaindu behar.

### 3.- Zozketaren xedea eta prozedura:

Zozketa bat (1) egingo da, eta honako hau izango da saria:

- Lagun-talde osoarentzako afari bat, irabazleak nahi duen lekuan, 2020ko ekainaren 30a baino lehen. Sariak 1.000 €-ko muga izango du, eta mahaikide bakoitzeko gehieneko zenbatekoa 100 €-koa izango da. Behin irabazlea baliozkotuta, astebeteko epea izango du jatetxea aukeratzeko. Ordainketa gestionatzea da epe horren helburua. Saria trukatzeko modua: LABORAL Kutxak ordainduko du aukeraturako jatetxearen faktura.

Honako baldintza eta egintza hauek guztiak bete behar dituzte erabiltzaileek zozketan parte hartzeko:

- 18 eta 25 urte bitarteko bezeroak (pertsone fisikoak) izatea, BIZUM berehalako ordainketa-zerbitzuan erregistratuta egotea edo erregistratzea erregistratzea gure LK Pay apparen bidez, eta 2020ko martxoaren 2tik 31ra zerbitzu hori erabiltzea. BIZUMen bidez egindako lehen ordainketa-eragiketa soilik hartuko da kontuan epealdiaren barruan. Behin soilik har daiteke parte pertsona fisiko gisa. Saridunak ezingo du eskudirua jaso sariaren trukean.
- Irabazleak saria onartzeak eskubidea ematen dio LABORAL Kutxari haren izena eta saria eman zaioneko argazkiak argitaratzeko, LABORAL Kutxak egoki deritzen bitarteko telematiko edo inprimatuetan, zozketaren emaitza ezagutarazteko xedez. Irabazleak argazki bat bidali beharko dio LABORAL Kutxari, «lagunarteko afaria» sariaren gozamina erakusteko.

### 4.- Iraupena eta eremua

Jarduera Espainiako lurraldean gauzatuko da.

Zozketan parte hartzeko epea 2020ko martxoaren 2an hasi eta 2020ko martxoaren 31n amaituko da, biak barne.

### 5.- Parte-hartzaileak

Honako hauek hartu ahaliko dute parte zozketan:

- 18 eta 25 urte bitarteko bezeroek, baldin eta gure LK Pay apparen bidez BIZUMen erregistratuta badaude edo erregistratzen badira eta 2020ko martxoaren 2tik 31ra bitartean zerbitzua erabiltzen badute.

Honako hauek ezingo dute parte hartu zozketan:

- LABORAL Kutxako langileak, ezta taldeko, partaidetzako eta antzeko sozietateetakoek eta kanpainarekin zerikusi zuzena duten pertsonak ere.

**Ez dute parte hartzeko edo saria irabazteko eskubiderik izango LABORAL Kutxaren bezeroek, baldin eta:**

- LABORAL Kutxaren aurrean berankortasun-egoeran edo beste edozein egoera irregularretan badaude zozketa indarrean dagoen bitartean, zozketa egiten den egunean edo saria emateko unean.
- Bizum zerbitzuari lotutako LABORAL Kutxaren kontua ezeztatu badute edo zerbitzuari atxikitako beste entitate batera eramateko eskatu badute zozketa indarrean dagoen bitartean edo lehenago.
- LABORAL Kutxaren iritziz iruzurrez jokutzen badute zozketan.

### **6.- Irabazlea/ak eta ordezkioak aukeratzea, jakinarazpena eta saria ematea**

Aurreko 3. atalean zehaztutako sariaren zozketa 2020ko apirilaren 3an egingo da, ausazko sistema informatikoaren bidez.

Bidezko arrazoiak dela eta zozketa aipatutako egunean ezin bada egin, hurrengo egun baliodunean egingo da.

Irabazleak LABORAL Kutxari berretsi beharko dio saria onartzen duen ala hari uko egiten dion, telefonoz, posta elektronikoz edo bulegoetan sinatutako hartu-agiriaren bidez, saria argitaratzen eta/edo jakinarazten den datatik gehienez egun natural bateko (1) epean.

Saria trukatzeko modua: LABORAL Kutxak ordainduko du aukeratutako jabetxeak entitateari aurkeztuko dion faktura. Zenbatekoak 1.000 €-koa edo txikiagoa izan beharko du.

Saridunak ezingo du eskudirua jaso sariaren trukean. Horrez gain, jabetxean egindako lagunarteko afariaren argazkia aurkeztu beharko du saridunak.

Parte-hartzaileak sariari uko egiten badio edo berarekin harremanetan jartzerik ez badago, ez du ordainik jasotzeko eskubiderik izango. Bezero saridunak sariari uko egiten badio, berarekin harremanetan jartzerik ez badago edo lehenago azaldutako baimena ematen ez badu, saria ordezkioen zerrendako lehen postuan dagoenari esleituko zaio, zozketan parte hartzeko ordena errespetatuz. Saridunak ezingo du sariaren ordezkio bat eskatu.

Irabazlea hiltzen bada saria jaso aurretik, berariak aukeratutako ordezkioari emango zaio saria.

### **7.- Sariaren zerga-sistema**

Zozketa honetako sariak zerga-tratamendu hau izango du: Pertsona Fisikoen Errentaren gaineko Zergari buruzko 35/2006 Legean, 439/2007 Errege Dekretuan eta kasuan kasuko PFEZren inguruko zerga-araudian aurreikusitakoa. Sariari aplikatuko zaion zerga-atxikipenari dagokion zenbatekoa LABORAL Kutxak ordainduko du. Horretaz gain, LABORAL Kutxak bere gain hartuko ditu zerga-administrazioaren aurrean dagozkion informazio-betebeharrak.

### **8.- Iruzkinak edo iritziak argitartzea**

Ez da onartuko desagokitzat hartzen den edukia duen iruzkin edo iritzirik, ezta iraingarria, laidogarria edo diskriminatzailea denik edo hirugarrenen eskubideak urra ditzakeenik ere. Era berean, ez da onartuko pertsona baten aurkako iruzkinik, baldin eta ohorerako, intimitate pertsonalerako eta familiarrerako eta norberaren irudirako eskubidea urratzen badu. LABORAL Kutxak ez du bere gain hartuko inolako erantzukizunik zozketaren parte-hartzaileen iruzkinek eragin ditzaketan kalteen ondorioz, baldin eta beste parte-hartzaile batzuen sentiberatasuna mintzen badute.

### **9.- Erreserbak eta mugak**

Iruzurra egin dela ulertuko da honako kasu hauetan, adibide gisa baina inolako mugarik jarri gabe: webgunearekin zerikusirik ez duten aplikazioen balizko erabilera detektatzen bada, zerbitzuari abusuzko kontsulta-kopurua egiten bazaio, eta itxuraz abusuzkoak edo/eta asmo txarrekoak diren portaerak antzematen badira.

Zozketan zehar aipatutako egoeraren bat egiaztatzen bada, parte-hartzailea zozketatik kanpo geratuko da automatikoki, eta saria eman bazaio, galdu egingo du.

LABORAL Kutxak ez du bere gain inolako erantzukizunik hartuko, baldin eta saridunek emandako datuetan akatsen bat badago eta horrek haien identifikazioa galarazten badu.

LABORAL Kutxak ez du bere gain hartuko inolako erantzukizunik saria ematean edo hori erabiltzean gerta litezkeen gorabeheren ondorioz, ezta berari ez dagozkion arrazoiengatik parte-hartzaileak saria jasotzean gerta litezkeen atzerapen edo hutsegiteen ondorioz ere.

Pertsonaren batek zozketaren manipulaziotzat edo faltsifikaziotzat har litekeen edozein egintza egiten badu, LABORAL KUTXAK eskubidea izango du haren aurkako akzio judizialei ekiteko.

LABORAL Kutxak ez du bere gain hartuko inolako erantzukizunik zozketan parte hartzeko erabiltzen diren zerbitzuak aldi baterako erabiltzerik ez egoteagatik edo haien funtzionamendua eteteagatik, erabiltzaileek iruzurrez erabiltzeagatik eta, bereziki baina ez eskusiboki, Internet bidez orrialdeetan sartzean eta parte hartzeko erantzunak bidaltzean gerta litezkeen akatsengatik gertatzen diren kalte-galeren ondorioz.

LABORAL Kutxak eskubidea izango du zozketaren xede onerako aldaketak egiteko, horretarako bidezko arrazoiak daudenean edo zozketa oinarri hauetan jasotzen den moduan burutzea galarazten duten ezinbesteko arrazoiak daudenean.

LABORAL Kutxak eskubidea izango du zozketaren iraunaldia luzatzeko edo geroratzeko, baita oinarri hauek interpretatzeko ere.

Halaber, enpresa antolatzaileak ez du bere gain hartuko inolako erantzukizunik aipatutako kasuetako bat gertatzen bada edo saria baliatzean gerta litekeen kalte-galeren ondorioz.

## 10.- Datuen babesa

Zure datuen tratamenduari arduratzen den enpresa LABORAL Kutxa da (IFZ: F-75076935; egoitza soziala: Jose Maria Arizmendiarieta, zk.g., 20500, Arrasate, Gipuzkoa).

Parte-hartzaileak lege-oinarri hauek onartzen baditu, ulertuko da badakiela LABORAL Kutxak bere datu pertsonalak tratatuko dituela, zozketan parte hartzea tramitzeko eta, irabazlea izanez gero, sariaren berri emateko, baita saridunaren izena eta/edo irudia argitaratu, erreproduzitu eta hedatzeko ere, LABORAL Kutxak egoki deritzen bitarteko, euskarri eta formatuen bidez (hala nola, adibide gisa baina inolako mugarik gabe, prentsaren, irratia, telebistaren, Interneten eta abarren bidez), datu pertsonalak tratatzeko pertsona fisikoak babesteari eta datuen zirkulazio libreaki buruzko 2016ko apirilaren 27ko 2016/679 Erregelamenduan (DBEO) eta datu pertsonalen babesari eta eskubide digitalen bermeari buruzko 2018ko abenduaren 5eko 3/2018 Lege Organikoan (DBLO) xedatutakoaren arabera. Aipatutako jarduera horiek ez dute ordainik edo onurarik jasotzeko inolako eskubiderik emango.

Datuak ikusteko, zuzentzeko, ezerezteko eta aurka egiteko eskubideak eta, era berean, datuen tratamendua mugatzeko eta beste leku batera eramateko eskubideak erabili ahal izango dituzu, zure nortasuna egiaztatuz (NANaren edo horren pareko agiria emanez) eta honako helbide elektronikoa honetara idatziz: [protecciondatos@laboralkutxa.com](mailto:protecciondatos@laboralkutxa.com), edo, bestela, ohiko postaren bidez honako helbide honetara: CAJA LABORAL POPULAR COOP. DE CRÉDITO, Jose Maria Arizmendiarieta, zk.g., 20500, Arrasate, Gipuzkoa.

Bezeroen Datu Pertsonalak Babesteko Politika osoa irakur dezakezu hemen: <https://www.laboralkutxa.com/eu/datuen-babesa>.

## 11.- Oinarriak onartzea

Zozketan parte hartzeak berekin dakar oinarri hauek onartzea. Beraz, parte-hartzaileak adierazten badu oinarri hauek guztiak edo haietako batzuk ez dituela onartzen, zozketatik kanpo geratuko da. Ondorioz, LABORAL Kutxak ez du parte-hartzaile horrekin hartutako obligazioa betetzeko beharrik izango. Oinarri hauek [www.laboralkutxa.eus](http://www.laboralkutxa.eus) webgunean kontsulta daitezke.

## 12.- Legeria aplikagarria eta jurisdikzioa

Lege-oinarri hauek Espainiako legearen arabera arautuko dira. Bergarako epaitegi eta auzitegiek izango dute eskumena oinarri hauen baliozkotasunaren, interpretazioaren edo betetzearen inguruan sor litezkeen erreklamazioak edo ezadostasunak ebazteko.